

史記卷六 秦始皇本紀三十三年條有云。『發諸嘗逋亡人贅壻賈人。略取陸梁地。爲桂林象郡南海。以適遣戍。』支那正史上記載關於嶺南即今之廣東廣西事件初見於此。此三郡之中南海桂林二郡之位置古今殆無異說。只象郡則有議論之餘地。蓋此郡位置所在之地之間題也。論述之順序。

今且先述三郡之位置。

唐張守節著史記正義於南海郡注云。卽廣州南海縣。南海縣乃今廣東省粵海道近於廣東省治之一縣。此卽秦之南海郡也。又桂林郡據之宋裴駟所著集解有云。『章昭曰。今鬱林是也。』是裴駟從吳章昭之說也。三國時代之鬱林郡治在三國志內之地理志缺載。頗有不明然前漢書地理志後漢書郡國志晉書地理志皆認爲布山縣。想在吳代亦然。布山縣在今廣西省蒼梧道貴縣附近。以此爲秦之桂林郡可乎。果若此。則三郡設置與秦之最南之長沙郡今湖南長沙其距離過遠。由地勢上觀之想亦不適當也。前漢書地理志後漢書郡國志皆於鬱林郡下有桂林縣。又吳志卷三孫皓傳鳳凰三年條有云。『是歲大疫。分鬱林爲桂林郡。』兩漢書鬱林郡下之縣名均見載於晉書宋書等。只桂林縣絕不之見。想吳代以後之桂林郡卽以前之桂林縣而昇爲郡也。然則兩漢之桂林縣卽吳代以後之桂林郡而今認定爲秦之桂林郡。則恐有未當也。見於漢書卷一下高帝紀。高帝卽位詔桂林郡字下。顏師古有註曰。『桂林今之桂州境左右皆是其地。非鬱林也。』唐之桂州卽今之桂林縣。此說可從也。今之桂林縣在地勢上通嶺之南北爲交通之要地。以此爲古之桂林郡無疑議。餘地故章昭謂桂林郡。『今鬱林是也。』不可解釋爲鬱林郡治布山縣也。

又次考及象郡之位置。裴駰註云「今日南」三國時代之日南郡治亦失詳。與鬱林郡同。據後漢書郡國志則有西卷縣。西卷或作西捲。縣之沿革隋時爲西捲縣。乃比景郡之一縣。以後則不復見。故日南郡之位置不可不由其他方面而攷之也。據後漢書郡國志云「日南郡治西捲縣。雒陽南萬三千四百里」。又「九真郡治皆南縣。雒陽南萬一千五百八十里」。即日南郡當在九真郡之南一千八百二十里。吾人因此先尋九真郡之位置。後漢書郡國志之九真郡爲唐之愛州九真郡。治九真縣。日南縣頗甚詳明。然其後之沿革如何。則據元史地理志於安南郡縣附錄章有云。清化府路漢九真隋唐爲愛州。清化乃今印度支那安南之清化。毫無可疑。然則唐之愛州日南縣與後漢之九真郡。治皆南縣。關係上亦爲愛州之一縣。頗亦在清化之近邊。又觀後漢書郡國志交趾郡。治龍編縣。雒陽南萬一千里。大概今之河內乃其地也。與南之九真郡。其距離五百八十里。九真郡更與南之日南郡。其距離千八百二十里。如上所已述。則九真日南二郡之距離與交趾九真間二郡之距離約至三倍。故照此交趾郡之在河內。九真郡之在清化。則在安南地勢上。日南郡之位置當與此二郡同。求之於海岸。以今之順化擬之爲妥。夫以秦之象郡爲漢以後之日南郡。非始於吳之韋昭也。前漢書卷八下

地理志下。曰南郡之原註云「故秦象郡武帝元鼎六年開更名」。云云是以秦之象郡爲漢以後之日南郡也。因此由漢以至今日秦之象郡攷之似在今之順化地方。然而以秦之形勢觀之。此說似難從也。如前所述秦之南海郡爲今日之廣東桂林爲今日之桂林縣。則順化與兩地距離甚遠。而其間在後世成爲郡治要地有二。如今東京之河內地方。其他如廣西省之邕寧縣地方。則秦時之象郡宜求於此二地方之間爲是。宋周去非所著「嶺外代答」有云。交趾象郡也。卷一 地理門是疑

象郡爲日南郡之說。此說比與象郡卽日南郡說頗優。何也。河內乃歷史地理上所不可看過之要地。此地兩漢以來以至唐時爲交趾郡。或稱爲交州。成爲其地方政治之中心。特在唐代爲安南郡都護府治。至宋時雖一時起爲大越國。然至元朝時代。又從中國及明末又獨立。清之乾隆帝時代安南統一。現今成爲法國領地。印度支那總督駐在河內。此等樞要之地。宋之周去非以此地爲秦之象郡。倒盡古來象郡卽日南郡說。真可謂卓見也。但可憾者在歷史上難求其徵證。此余所以更立一說也。據之前漢書高帝紀之高帝卽位詔於象郡條有註云。臣瓚曰。茂陵書曰。象郡治臨塵。去長安萬七千五百里。茂陵爲漢武帝之陵。名茂陵。書乃紀前漢武帝之事蹟。則其紀事與漢武之時代不遠。其去秦大約百數十年前後。有可信任之點。若據此茂陵書而論證之。則臨塵乃象郡之縣名無疑。若韋昭裴駟之所云秦之象郡爲漢以後之日南郡。則日南郡下必有此縣之名。然觀前漢書地理志則鬱林郡下有臨塵縣。而鬱林郡之首縣如前所述爲布山縣。而臨塵縣在第八位。此卽茂陵書所指爲象郡之治所也。但此縣名後漢書郡國志條亦引爲其郡下之一縣。以後則不復見。然則其位置果何在。據前漢書地理志。鬱林郡臨塵縣之原註有云。朱崖水入領方。又有斤貞水。又有侵離水。行七百里。莽曰監塵。先就此種水名而研究之。水經註溫水條之經文有云。鬱水又東至領方縣。東與斤南水合。註文云。水又東北逕臨塵縣王莽監塵也。縣有斤貞水。侵離水。並逕臨塵東入領方縣。流注鬱水。云云。茲參照東亞輿地圖。合萬分之一的地圖。鬱水爲今珠江之一支。卽紅水江。無可疑也。領方縣或卽遷江縣乎。今遷江縣之南。方山斤南水在遷江縣與紅水江合流。成爲清水江。余則分斤貞水與斤南水別視不同。並以下之朱崖水。認定爲清流江。

上流之思攬江斤負水認定爲鎮龍水。侵離水認定爲黃陵川。驢水認定爲黃龍江。增食縣認定爲上林縣。而臨塵縣則認定爲土州賓州。如此則前漢書地理志之臨塵縣認定即今之廣西省南甯道之賓陽縣。乃前之賓州民國改稱此即茂陵書之所謂臨塵縣爲秦象郡之治所也。茂陵書曰去長安萬七千五百里。萬字似剝。或者由象郡即日南郡之說而加筆之耶。單言七千五百里則長安賓陽縣間之今日距離大體頗適合。賓陽縣與遷江縣位於廣西省治之中間。比較爲重要之地。然則秦之象郡非是順化。非是河內而在廣西省之此方面。驗之其他又可證也。前漢書卷七昭帝紀元鳳五年條云「秋罷象郡分屬鬱林牂柯即是也。」日南郡漢武帝元鼎六年置。至此尚存在固無可疑。然依此記事。則日南郡卽象郡自漢以來之舊說到底不能成立也。又同時代之鬱林郡治布山縣如上所述。則在廣西省貴縣附近牂柯郡治故且蘭縣略定爲在貴州者。遷義縣附近此等兩郡皆係分屬。則秦之象郡亦位在此間。其郡治在臨塵縣認爲現今廣西省賓陽縣不爲太過也。要之象郡之爲日南郡其非固不必論。其地亦非安南方面之地。而寔廣西省方面之地。殆無可疑也。

秦之象郡之位置參之其他之紀事亦有可攷者。山海經是也。山海經之海內東經有云。沅水山山字利出象郡镡城西。晉郭璞註象郡今日湖南零陵城縣今屬武陵入東注江入下雋西。郭氏註下雋縣今屬長沙合洞庭中沅水無論爲今之沅江。其源發自貴州東流入湖南省。注洞庭湖雖則據之經文有云入東注江與今日之地形不合。然經文乃屬於空想不足怪也。特可注意者「沅水出象郡镡城西」一句。據郭璞之所註。則象郡之镡城縣後爲晉之武陵郡镡城縣。證之楊守敬之水經注圖。此縣位置在今湖南省辰沅道靖縣附近。位於湖南省之西南隅近貴州廣西兩省之境。可知晉之武陵郡之一縣乃屬秦時之镡城縣。其地方尚存在。則秦之象郡治尚存於廣西省內。豈難證乎。

又觀海內東經鬱水出象郡而西南。西字誤。水經注溫水條引用此句稱爲東南。注南海入須陵東南。此文下半截雖難解。然鬱水卽今珠江之一支卽紅水江無可疑也。鬱水出象郡句可以證象郡乃在廣西方面者也。然則象郡之廢乃在漢昭帝元鳳五年。紀元前七六年而其設置在秦始皇三十三年。紀元前二一四年本郡之存續期間約有百四十年。爲鬱林郡牂柯郡之設置在漢武帝元鼎六年。紀元前一一年此等二郡設置後約卅五年。象郡始廢。廢止之理由史不詳載。或者與鬱林相距不遠之地。因行政上之不必要而省之歟。總括以上所述秦之三郡中南海郡今以廣東爲中心。桂林郡今以廣西省桂林縣爲中心。最後之象郡以廣西省之賓陽縣爲中心。各各統治其地方。頗考之秦代疆界從來世人之所領解。其領地之南界非如漢以後遠及於安南地方者。故不能出於現代廣東廣西省之南者也。

▲南河捷錄（續三）

◎山川形勢

昔黎聖宗以順廣地遠立兼鎮營號浮春營在浮春縣大江之右一面大江三面溪港四面各有水遶外通于思客海門布政山橫截其北海雲山屹立其南皆天造地設一夫守之可以當百端國公入順復設富春城府宛然南河一大都會。黎聖宗一日駐蹕于烏州海口。四顧山河衝要。謂侍臣曰。山河形勝如此。後必有英雄割據。

神符海口門門有凜港通于虎河門中有隻筋山陳末胡季犛篡位明人來侵載石填港以塞水道不果退走奇羅海門門之左有山名天琴其山挺特秀異山上有寺昔仁王嘗遊于此聞天籟聲故名後胡季犛爲明人所追南奔至此間山何名有對此乃天琴山季犛遂就擒後人因改天擒山。

壘。凡入順過河華海門上流必越此等壘然後能達柴壘。此處乃化州最險之地。祖山起脉自羣山索山迢迢而來。千里高聳。端郡公初立此壘。右有翁回純網正始等壘。左有翰錐山壘。山頂之上增築土山連絡首尾相應。勢若長蛇。壘上多積膏油。年年培築。

海雲山其山特立如雲。自山林橫截至海中。高與雲齊。故名海雲。俗號陰雲聲之轉也。山下有增築潭同龍灣。且廣且深。堪伏船以射。過海雲山入潭門。有石水流在石山之右。海雲山多惡獸。有靈廟。

大占海門。海中有長沙洲。名罷吉黃。自占門至沙洲約五六百里。濶三四十里。卓立海中。

渡技舊壘。此處舊築長城大壘。自渡技至合和海門各置巨銃。

岩碧灘。此處有石壁。高一尋半。多有狹處。兩馬相逢無路可通。

浩漫海門。海外有兩維山。相夾並立。俗傳魯籍翁空路流中可容船行。過富多江。有古城。卽闔榮城。一名皇帝城。城方四圍。廣濶可二三里。城開四門。內有殿塔。俗傳塔罷媽。十二位左有安駕山。自棟瓦源右有桺藍婆桂二江。上達于同犯道下。至海門城前有模塢山。山之下歸仁府衙。綏遠縣衙。翁柳坊織五色錦海門。有一座山。山上有古廟。

占城國城門穿莊門。門之水流北邊淺。南邊深。分茅山夾占城境。有一支山連至海兩邊。草木並分爲二。有二塊石形如石碑之狀。一頭向西。一頭向東。如兩人相背立。拜鰲聖宗平占城。刻石立碑于廣代社以分疆界。

占城國城門穿莊門。門之水流北邊淺。南邊深。
○易曰。王公設險以守其國。禮曰。山川城池以爲固。險誠守國之一事。然四嶽三塗九州形勢。也是不一姓。吳起中流之對。蓋本於司馬侯。我越李朝初築龍城。皇黎初建二京。險以臨之。德以守之。詩云懷德惟寧。

○封域

順化廣南本占城國界。接乂安奇華縣之南。初李聖宗天貺寶象二年。大駕親征占城。擒其主制矩。占人請以地哩麻靈布征三州贖罪。帝許之。改地哩爲臨平州。麻靈爲明靈州。布征爲布政州。陳睿宗改臨平爲新平府。後黎朝改先平陳仁宗以玄珍公主嫁占城國王制晏。又以烏哩二州內附。爲納采禮。英宗改爲順州化州。黎聖宗親征占城。擒其主茶矩。國人以烏州贖其罪。國王略地至分茅山。立石其所以定疆界。遂以李朝所得故地爲康祿麗水等縣。布政明靈等州。蓋地哩麻布有三州之地。並屬先平府。改陳朝所得故地順州爲海州。後改海陵武昌二縣。改化州爲金茶思榮丹田三縣。蓋烏哩二州之地。並屬先平府。改陳朝盤縣及順平州沙盆州。並屬肇豐府。又自海雲山以南。改升華二州爲河東、熙江、即醴陽雄陽。舊黎江後三縣。並屬升華府。思州義州爲平山義山。後改彰義慕華二縣。並屬思義府。廣義後改符籬綏遠三縣。舊屬懷仁府。歸仁置三府二流。二流所徒三等罪囚以實邊。分爲二處。先平肇豐等府屬順化處。升華思義懷仁等府屬廣南處。

端國公以正治年間兼領二鎮。

順化處北接乂安奇華縣溪之南。南接隘雲山。東至于海。海之沿有大靈門。太深安裏里和順姑日麗。一名闕外深從律柔太深從律。內淺明靈中深澳門。一名霸太深景陽門。恩客門。俗名蔑幽海雲門。共十二海門。西建子山通哀牢樂丸萬象諸國。其屬酒泉沙杯二州。吐奔上蘇二峴。靜安州沉盆香櫟二峴。良辰碎喂獲龍廊總廊欽浮歐呵哩廊。趁廊農各冊甘露酒泉孝江樓稽牛脚圖嶠尋岑諸巡。

廣南處北接順化海雲山。南接平康府界。界之上有大山。山之嶺有石碑。名曰岩奇。東至于海。海之

沿有大占。又名占壘中深沙黃。俗號龍吉美亞。小淺清好。小深津闢。中深羅河。一名茶堵窮江。又名淡涪沈。又名施鑑榮蒙。一名俱小深春。

臺。一名蘭羅小深陀演。又名麻冷小淺蘇蝦。又名茶羅小淺共十二海門。

西建子山夾南蟠水火二主四靈仍輝兩賊破壘回務尙榮尙豐諸蠻沿山山頭有富安河櫛河澆安象石盤烏鎌巴漸地此處惡蟹多刦略陀羅坊西秋盆真壇福慶茶雲鎌戶橋瓦諸源

平康延慶原是占城故地。勇國公伐占城。占主失守。追至茄那地方。有一支山連牽至海。占王退屯于此。用土壤塞四門以自保。今名壘茄那云。勇公乃以所獲地置爲平康延慶二府。

平康府北接夾廣南處富安府之峩奇。南夾愈軍山通湊黎潭。其地多產大接平順愈來軍守處東通于海。海之沿閨惄。中深芽愈大深高歡小淺甘茗門中深毗文門小深與平順府半江爲界。块終在平康地界。湊

艚在平順地界。海之旁。閨惄块聰三潭。

海奈塊獮二凟可以泊船。海之外有块岑玳瑁檻劬勞块外等山。可以暫駐。西接于山。並是蠻民。平順府本占城故地。祚國公伐占城取其地。置爲平順府。北夾平康愈來軍守。南夾嘉定麻離海門。以半江爲界。海之沿上接毗文門。有湊舶蒲榔門。小深閨惄小淺潘切門小淺俱眉門。溪奇麻離門小淺共八海門。海之外旁名每延山。其勢伏山有九曲。有劬勞橋。潘切門外亦有劬勞山。

嘉定府舊高綿故地。祚國公伐高綿取其地。置爲嘉定府。其地沃野千里。原是肥饒天府。北接平順。以麻離平江爲界。南通高綿暹羅諸國。東至于海。海之沿麻離門。小淺赤狹門則既門。小淺芹蔭門大深同爭小淺潘切小海中深大門。大深毗武門大深巴忒密接南榮。其處客居稠密。海之外有岷嵩劬勞茶吧直噪居坂。海西夾毗關蠻。即舊順城。及巴干蠻。府內置爲八鎮。一巡三庸二縣。曉郡公又伐高綿。取其地。置爲定遠州。府內江瀝流水日夜。水潮上十尺。汐下十五尺。飲食不得存。鎮邊營江水飲食便用。

○普天之下莫非王土。冀州不言疆界。示王者之無外也。粵昔有虞聲教四被。而所治只五服。我越李陳二朝克獲烏里。隨復委之自黎。聖宗始列爲郡縣。當時雖盡羣蠻而有之。亦易爲力。然立碑盡界。亦只自分茅山。敬哉有邦爲祖宗守土。當如光武長策。足以息民。黃石公記曰。務廣德者強。

▲南河捷錄卷四

★選舉文學

入順以後急於用兵。而儒學一事。未嘗少廢。士之學者以四書六經爲宗。邊臣蕃將亦以文章鳴世。范阮攸收錄遺文。有出於武臣旅客。而其文章之妙。聲律之工。雖中華工文之士。鮮能過之。儒學之行於南服。盛矣。

初置選舉法。預選者有六年饒學。滿代饒學並准免各項錢。

又有庭舉法。許庭臣各舉所知。或試以詩律。或以料事一封。補入翰林院。稱爲翁宜。補入貢士院。稱爲翁貢。當時士夫多由此途出。

罷科舉試士。南河七世循安玩治。武王承之。隨以武功侈心。益肆崇尙佛釋。廢黜儒學。科舉之法廢格。不用者三十餘年。

○科目士子之坦途。選舉之法。周漢唐宋之盛。莫不舉行。我越李聖宗時。准依古定三年試士法。以子午卯酉鄉試。辰戌丑未會試。惟時典選必擇其人。而士之應選。又自縣而府。自府而承司。教之有素。升之有序。所以得人。於斯爲盛。南河二百年。非專倚選舉而伺。

●節義

劉文院劉茂之子。年二十五。見管二百人。嘉郡入柴壘時。屯兵盡走。柴壘皆空。院率所管兵進謀與統領。當夜爭山。王師爲之奪氣。

左政乃政德侯號。統兵政大軍過拜答河。侯倉卒上象。象不起。乃率象匹力戰。前部選鋒突至。政德侯盡節於敵陣中。

公族有名游者。一作猷原是廣南守臣。廣南營破游都。邀國王浮海船未出洋。狂風船覆死焉。

遺臣有名敬者。原係同犯留守。努力爲國城守。以興復自任。雄據康順。侵占富安。僞岳稱其最雄。

歌林縣沐順化海陵人。時大軍在廣南營。適有客星犯月。二人倡義于葛營上游。洒泉山中。假稱公族。嘯聚餘黨。撫諭海陵。登昌明靈等縣。以恢復爲名。多應屯于甘露市。

國母外祖母既詣神京時。有故翰林自春營潛出龍城。人或勸以仕翰林。曰。國破君亡。既不能死。所以至此爲二位耳。豈復能屈身爲他人臣僕。因詩以導意。見詩選。國初從亡效義。臨陣勤王。固多其人。具在功臣簿。

○時窮節乃見。節義之稱。非人國之所樂。有然必養之有素。然後感得人。黎桓公蘊何以責人。蔡太祖養成風節。垂四百年。翠靄之戰碩郡。一門忠義。本朝自昭勳郡公。浴日咸池。名義凜然。所以磨勵斯世久矣。左政諸人。固足與秋霜烈日爭嚴。又如城陷之日。猶率雄象旅拒戰船對射。莫非正氣凜然。甚矣節義不可不培養也。

●風俗

鮮知父子君臣之叙。端國公領鎮以後，數世相承，教以禮義，國人化之。其民力於農桑，樂於戰鬪。士夫閑於禮法，風俗一變。暇晏乎？非復茶矩賁該之陋。武王承之，乃改衣冠易風俗，以與國人更始。治安既久，侈心隨生，上下相師，爭事侈靡，風俗復爲之一變。

鴛鴦館民俗善織笠。腰邊岩沿山九邑民丁多善銃。翁柳坊安往社民俗皆善織錦絲。茶萊蠻居屬林苑源，每月以象載黃蠟及男女，并上香黃紫椅楠等物就株交易。

▲諸國風俗

暹羅國地廣財富。國王以金覆屋，百官以銀。庶人以錫。鄭榮係是明人大清取士。榮應文武舉並中狀元。其叔之曰：我姓世食明祿，恥復屈身後代，遂不仕，避居河仙。榮後爲河仙鎮官侯茶娶河仙該庫不雅辛之女。因漸進用，後不雅辛據有暹國，以其壻爲南鎮陰官，賜名掉丕。明丙戌年^{嗣王卽位之初年也}，烏尼河仙諸豪目避亂依暹羅者，授以產業，取國內富人田地均給之。貧漂者亦有生理，寬其征稅。正旦端陽收富人各五陌。^{此乃節料錢}貧者全免。其國人黑皮屈髮衣服與高綿同，惟頭剃皆置繡異耳。^{按丕雅辛廣}

東潮州人。初爲河仙該庫。會暹羅爲花肚蠻所破，遂據有其國。

高綿古貞臘國界接南榮庸，自伊庸遠眺，見一塔極高，卽高綿地分。武王時高綿噦翁^孫噦翁^號巍兄弟爭立，王遣兵納其兄。縣其國人皆剃髮黑皮，居惟架木爲巢，朝謁國王，膝行匍匐，伏於庭外。衣服以青布纏身，以○蔽足。文字橫看，字體非篆非隸，亦非古蝌蚪。飲名發息，食名欵悲，並不用匕箸，以手就之而已。^{字畫屈曲之玄，略近古大篆。至其連手處，又似舞劍體。正與左道符王勅令等字相似。伊國王嘗鑄銀錢。}

河仙鎮在高綿國原是荒閒之地。頑蛇異獸惡木毒草聚焉。漁樵罕過。人跡不到。從來未有所屬。端國公時黎永祚年間明崇禎失御。沐國公自江東鎮將十八道兵渡海入援。勢力不敵。因居才緩。國稱王六年。清聖祖仁皇帝康熙紀元御駕親征。沐國公還海南遠避。請糧於我聖祖。至廣東移文與我皇黎爲內應。我因獻美女百餘。沐國公受之。衆女暗以清水灌藥。銃射不發。十八道損十之五。裨將亦多受害。沐國公率大船入暹羅國整居一處。未詳其地子孫繁衍。自植爲一國。無所統屬。祚國公時一名定入廣南爲統兵號總兵定。一名高入高綿爲睂雅。猶我云鎮守號睂雅高使居河仙逐妖怪開禁蕪幹山澤募商賈歸附日衆漸有中華風俗。高死子嵩襲高一作琮稍有文學好士。漸拓封土。世受爵干阮戊子年爲暹羅所奪。嗣王卽位之三年鎮除。

西洋國其國人赤髮黃睛長鼻白面。言語侏離不可聽。衣服詭異。裳似敝衣至腰間而已。

○上以風化下曰風岐豐聲名文物之都。一界之秦變爲強毅果敢之習。我越李朝名藍滿天下。陳朝隨地爲漢上桑間。黎太祖勃興以後。聖宗承之。崇儒學以淑人心。重禮節以正民行。民俗一歸於正。古民亦爲吾民。風俗何常。惟上所鼓。

●朝聘
附邦交

端國公自順廣入朝進納季稅凡三

河仙聘于阮將貳綿也。將有貳心於高綿故也先是廣東鄭州人名高一名玖與總兵定皆北朝沐國公之後落魄爲商客於高綿。綿王悅之。拜爲河仙驅雅高以其屬總兵定在廣南。於是來聘。

(未完)